



kyεkee ηon lee wee gyanḡbate ken ε be nyii nombia ηenan, te ε be nyii Wurubuaε beεε ken man nideli nε.

<sup>7</sup> De dɔɔ gyaagyι Epafirase ηon ɔ yεε Yesu Kristo tobaale e te ɔ ne yεε ɔ tom na anokoare, te daa na e pou ne yεε tom dokolon nε yako na ηon beεε nombia kenα. Njon kaa senjala de nawɔɔ man te ɔ kyɔɔ ηon.

<sup>8</sup> Njon mɔ kaa yako na daa mena ken Wurubuaε felin ηon be yeli ε ne gyae Wurubuaε balan nideli nε.

<sup>9</sup> Mena dɔɔ lee wee ken dɔɔ nyii ε wose man nombia nε, dεε fane fa ηon wee kamase nyi Wurubuaε waa fa ηon nyansa na waa yela ε ka gyen ɔ kegyaebii na ε ke nyii ɔ nombia ηan pou man nideli.

<sup>10</sup> Kei ne gyae la ke yela ε ke tale kyaa ηgba mena ken de Gbenḡgyoo Wurubuaε ne gyae nε, na ε ke yεε abɔɔ kpaakpaa ηan kaboena nε gbεε kamase man, na ε ka gyen ɔ nombia ηan mɔ kpu.

<sup>11</sup> Dεε fane nyi Wurubuaε waa mo ɔ gyoorobiiri don ken ka dokoso be kyaa ya nε do ε man, na waa yela ε kenyin konɔɔ sen kenken kpenε kamase ken gyae ke kɔn ε dɔɔ nε man.

<sup>12</sup> Dεε fane nyi gyon dee doo ε man na ε ke fa Wurubuaε karan deban kamase, nawolo nyi ηon yele la te ε kaboewɔ nyi yaa nyin abɔɔ kpaakpaa ηan ɔ be desina see ɔ gyoorobiiri ken man fa ɔ balan nε.

<sup>13</sup> Nawolo nyi ηon Wurubuaε lese na daa lee ɔbɔnsam ditintεε ken man, te ɔ moo daa kɔn ɔ

bu Yesu ñon ɔ ne gyae ɔ nombia ne gyoorobiiri man.

<sup>14</sup> ɔ bu Yesu Kristo kei te ɔ moowo to de nombiakumεε pou kom. Ñon Yesu yele la te de nyiŋa da wose te Wurubuareε moo de nombiakumεε pou kyεε daa.

### *Kristo kela kpene kamase*

<sup>15</sup> Wurubuareε bu Yesu Kristo ñon ɔ kyaa pete Wurubuareε be yeε kpene kamase ne, ñon yena Wurubuareε ñon walaŋ beε mo ɔ sibii naa e ya ne dinɔɔ. Ñon kela na abɔɔ ñan pou Wurubuareε be yeε ne.

<sup>16</sup> Ñon Yesu dɔɔ te Wurubuareε tεεwo yeε abɔɔ pou. Abɔɔ ñan ñe kyaa adido na ñan ñe kyaa tεele man, ñan dεε mo de sia fonεε naa ña na ñan de beε naa ña ya ne, mo kpu na kpene kamase ken ne di don yenaŋ kamase ngba gbengyoona na gyooneŋ pou. Ñon Yesu dɔɔ te Wurubuareε tεεwo yeε abɔɔ pou, te ñe popou mo kyae fa e.

<sup>17</sup> Ñon Yesu Kristo kei wulaa ɔ kyaa pete Wurubuareε yeε kpene kamase, te ɔ don man dɔɔ te kpene kamase mo kyaa.

<sup>18</sup> Ñon yena ɔ balan Kristotena dikpii ken pou nyee, te ɔ na wola wo gbεε ngba mena ken deniwalan nyee na wola na ɔ wose pou gbεε ne. Ñon ke yena be nyeedon pou nyee, na walaŋ ñon Wurubuareε be tan gbεε gyusu lee yen man, na ke yela waa bese abɔɔ pou man siamante.

<sup>19</sup> Ke yeε ñon Wurubuareε gbagba kegyaebii ke nyi, ɔ dinɔɔ pou de kaa doo ɔ bu ñon man.

<sup>20</sup> Yesu yen keŋ ɔ ba yem ɔpaŋdan dɔɔ na ɔ fatabo keŋ be kyɛɛkee leki nɛ, keŋ kaa desina na kpene kamase na Wurubuare nsana. Keŋ moona wosefɛeren keŋ adido na ateta abɔɔ pou na ŋon Wurubuare nsana.

<sup>21</sup> Gyangba keŋ na nafa emɛɛ na Wurubuare nsana be dana gyon ya, te ɛ nombiakumɛɛ dɔɔ ɛ kola e lee ɛ konɔɔse man.

<sup>22</sup> Mɔna nenɛɛ dɔɔ Wurubuare te tɛɛ Kristo ŋon ɔ be kaa bese deniwalan te ɔ ba yem ɔpaŋdan dɔɔ nɛ dɔɔ desina emɛɛ na ŋon Wurubuare nsana. Wurubuare yɛɛ kei na ɛ ke tale kaa seŋ ɔ siaman keŋ dukum kamase be dɔɔ ɛ man na ke yela waa bu ŋon fɔɔ ya.

<sup>23</sup> Mɔna kaboena nyi yaa seŋ ɛ kelɛɛdi keŋ man keŋkeŋ, keŋ nyi ɛ ba lese ɛ loo lee abɔɔ ŋan Wurubuare be yako see ɔ nombia kpaakpaa ŋan man nyi waa yɛɛ fa ŋon nɛ dɔɔ ya. Wurubuare nombia ŋan ɛ be wulaa nyii nɛ, ŋan ke te be dɔŋɛɛ bee kolosi fa balan yanan kamase. Wurubuare yele la te man Pɔɔl mɔ kaa bese nombia ŋenan tomyɛere te me dɔŋ mee kolosi ŋa fa balan nɛ.

### *Tom keŋ Pɔɔl be yɛɛ fa Kristotena*

<sup>24</sup> Dana man gyon ŋgba emɛɛ dɔɔ mɛɛ naa diyem deban kei nɛ. Kei nawolo nyi mena keŋ Yesu be naa diyem ɔ balan dɔɔ nɛ, mena diyem kenan ke yaa ma seŋɛɛ ɔ nawɔɔ man mɛɛ naa ŋgba mena keŋ kaboena nyi Kristo walan waa naa diyem Kristotena dikpii keŋ dɔɔ nɛ.

<sup>25</sup> Wurubuare gbagba lese na man nyi maa bese Kristotena pou tobaale. Tom keŋ ɔ ba mo

do me nyinmaa man yena nyi maa lese non Wurubuaɛ nombia nan man pou wola non.

<sup>26</sup> Gyaŋgba keŋ na Wurubuaɛ moo nombia keŋa weese benenɛna baŋ, mona nenɛɛ doo o ta lese na deboo wola o balan Kristotena baŋ.

<sup>27</sup> Ke yeɛ non Wurubuaɛ gbagba kegyaebii ke nyi waa lese o nombia aweesen nan ne yeɛ nombia dinaana na, te ne dana tonoo ne wola o balan pou. Nombia nenan yena nyi, keŋ Kristo doo e konooɛ man doo e loo gyakaa nyi wee daale e ka bese gyoorobia.

<sup>28</sup> Mena doo te dee kolosi Yesu Kristo kei wose man nombia fa walaŋ kamase ne. Dee mo de nyansa keŋ pou de dana ne wola walaŋ kamase Yesu Kristo nombia nan te dee mo faree wo, na ke yela baa lee nombia nan di na baa seŋ ne man keŋkeŋ, na wee daale baa tale seŋ Wurubuaɛ siaman keŋ dukum kamase be doo be man ya.

<sup>29</sup> Kei doo te me yase me sia mee mo Kristo don keŋ o ba mo do me man ne mo yeɛ o tom keŋ ne.

## 2

<sup>1</sup> Mee gyae e ka gyeŋ mena keŋ mee ko ma wose Kristotena baŋ be kyaa Laodisia donoo man, na baŋ pou ba te naa ta maŋ see ya ne doo.

<sup>2</sup> Kpene keŋ doo te mee yeɛ mena yena nyi, mee gyae nyi maa do non kakyeŋ na e ka seŋ e keleedi man nideli na e ke gyae don na e ke yeɛ noodokolon. Kei gyae ke yela e ke nyin nyii Wurubuaɛ nombia nan nafa na weese ne

man nideli, na ε ke nyiη aboo kpaakpaa ηan pou na lee Wurubuaε nombia ηenanη man nε. Yesu Kristo gbagba yena nombii aweesenη kei, te mee gyae ε ka gyeη e nideli

<sup>3</sup> Wurubuaε ta mo o nyansa na o nombia man kagyenη pou weese Yesu Kristo man, na dee nyiη ta ηon Yesu doo gyeη Wurubuaε nombia kpaakpaa ηan ηe dana tonoo nε man nideli.

<sup>4</sup> Mee wulaa yako ηon nombia kenη pou baa, na ηolo be nyiη mo nooman yeliη mo nombia wolεε ηaale kaa beo ηon ya.

<sup>5</sup> Doo nyi manη gbagba be kyaa ε gyanη botoo koranη ya nε, me konoo man na ma gyeη nyi me kpuε na ηon. Mena doo me ke nyii nyi ε ne yeε kpenε kamase ke gbεε doo, na mena kenη ε be lεε Kristo di te ε seηεε nombia ηan man kenken nε yeε manη gyonη nideli.

<sup>6</sup> Mena doo mena kenη ε be lεε Yesu Kristo di nyi ηon yena ε gbenηgyoo nε, ε betaa kyaa na e mena.

<sup>7</sup> E mo ε wose teeli na e na ε ke kasee o nombia kpu, na ε ka seη ε kelεedi kenη man kenkenη ηgba mena kenη boo wulaa wola ηon nε, na ε ka do Wurubuaε noo nideli debanη kamase.

<sup>8</sup> E keε ε wose doo nideli na ηolo be nyiη mo tεele kei doo nyansa nombia ηan ηoo tanη tonoo ya nε kaa beo ηon ya. Mena nombia ηenanη yeε denibalanη benenη nombia na tεele kei doo nombia ayεesa ηa. Mena nombia ηenanη bεε wola kolo lee Kristo wose man ya.

<sup>9</sup> E na yeli baa beo ηon ya, nawolo nyi debanη kenη Yesu Kristo be konη tεele kei doo koranη na,

Wurubuare dinoo na o donj pou doo bo o man.

<sup>10</sup> Neneε keη emεε na Kristo be kaa yeε dokolonj doo, ε te nyinj o dinoo keη pou. Ε tōose nyi Kristo yena kpene kamase keη ne di donj ne nyee.

<sup>11</sup> Lee mena keη emεε na Kristo be yeε dokolonj doo, yeε yaa ηgba o kara ε baala wose baa te ε kaa bese o balan ne. Mena baala wose kekara kei, te yeε denibalanj wui keη beε mo nyinjmaase kara ne ya. Mōna baala wose kekara kei yeε kpene keη o ba mo lese ηon lee ε nombiakumεε man.

<sup>12</sup> Ba ke so ηon Wurubuare lonj keη ne, yeε yaa ηgba be wuu ηon baa na Kristo te ba besewo gyusu emεε na e ne. Nawolo nyi ε te lee Wurubuare ηon o ba mo o donj dinaa gyusu Kristo lee yenj man ne di.

<sup>13</sup> Gyangba keη na nafō ε yeε ηgba balan ban boo yem ne Wurubuare siaman, lee ε nombiakumεε na mena keη ε be beε nyi ε be di Wurubuare mmaraase ηan doo ya ne doo. Mōna neneε ε ke lee Yesu Kristo di doo ne, Wurubuare ta mo ε nombiakumεε kyee ηon te o faa ηon nyeedonj wole, ηgba mena keη o be gyusu Yesu Kristo lee yenj man te o be fa e nyeedonj ne.

<sup>14</sup> Ε yela dεε mo kpene keη Wurubuare be yeε fa daa ne maa na nombii kei. Yeε yaa ηgba Wurubuare te ηmarase de nombiakumεε ηan pou doo yeε ne see, te o buu daa fōo nyi waa wōη da denele nawolo nyi de bee di o mmaraase ηan doo ya ne. Mōna o ta feefo mena aboo ηan o be ηmarase see ne pou lee tōne keη

man. Mena dɔɔ Kristo ka yeŋ ɔpaŋdan keŋ dɔɔ ne, yeɛ yaa ŋgba Wurubuaɛ moo tɔne kenan baa mataa ɔpaŋdan kenan dɔɔ gyɔ ke wɔlɛɛ nɛ.

<sup>15</sup> Wurubuaɛ te tɛɛ Yesu Kristo yeŋ keŋ dɔɔ yɔkɔse felɪŋkumɛɛ, na kpene kamase keŋ ne di don nɛ. Ɔ yeɛ keŋa pou do wɔ desɛŋ na walaŋ kamase ke nyiŋ naa nyi, Yesu Kristo te di don felɪŋkumɛɛ ŋan pou dɔɔ.

<sup>16</sup> Mena dɔɔ ɛ na yeli ŋolo ke bu ŋon fɔɔ lee mmaraase ŋan ŋɛɛ tɔ ɛ kedi na ɛ kenyɔɔ gbɛɛ, yaa ɛ weeya dinaana kedi yaa gyaalan wɔle weeya kedi yaa ɛ kefɛɛfoweeya kedi mmaraase dɔɔ ya.

<sup>17</sup> Nawolo nyi mena nombia keŋa pou doe, na kawola nyi abɔɔ kpaakpaa ŋaale don wɔle ne kɔŋ. Te nombia keŋa pou seŋɛ bo fa Kristo.

<sup>18</sup> Mena dɔɔ ɛ na fa walaŋ kamase gbɛɛ na waa beo ŋon, na waa lese ŋon lee ɛ gbɛɛ man kɔŋ ŋon wui gbɛɛ kum man nyi ɛ kaa sila e ya. Mena walaŋ ŋonan na wola la nyi yaa som Wurubuaɛ kpilala ban be kyaa adido nɛ. Ɔ na beo yɔkɔse ɔ wose nideli ɔsom man, te ɔ ne yako nyi Wurubuaɛ ta lese nombia ŋaale wola e. Mena dɔɔ ɔ ne kɛɛ ɔ wose nyi ɔ yeɛ walaŋ dibiliŋ ŋolo e, mɔna ɔ konɔɔ man nombia ŋan ŋɔɔ gyakaa Wurubuaɛ nombia dɔɔ ya nɛ, na beo na e te ɔ na wola ɔ wose mena nɛ. Ke gbagba mɔ na ɔ be dana kpene keŋ dɔɔ kaboena nyi waa seŋ na waa wola ɔ wose ya.

<sup>19</sup> Mena walaŋ ŋonan te tira ɔ wose lee Kristo ŋon ɔ yeɛ ɔ balan pou nyee e nɛ man. Kristo man kedoo ne yele la te ban be silana e nɛ ne nyiŋ don te bɛɛ bee ba keɛɛdi man ŋgba mena

kenj Wurubuare ne gyae ne. Kristo yee ngba deniwalan nyee ne te o balan mo yee ngba o wose ne. Mena kenj deniwalan wose man aboo ne kyan wosenaane kenj towaa te kee bee ne, mena ke te Kristo mo ne fa Kristotena pou donj te bee bee yee noodokolonj ngba mena kenj Wurubuare ne gyae ne.

<sup>20</sup> Kristo ka yenj opanjanj kenj doo ne yee yaa ngba emee na e yenjala ne, mena doo teele kei doo aboo ba tekaa tanj donj e doo bela ya. Lee mena doo tekaboena nyi yaa sila teele kei doo aboo anakolanj ngba mena kenj balan banj ba te yee Kristotenawo ya ne ne yee ne ya.

<sup>21</sup> Ba aboo anakolanj nenanj naale yena nyi, “E na mo e nyinjmaa kyanj kpene kei ya. E na daa kpene kei kee ya. E na tina kpene kei ya.”

<sup>22</sup> Mena aboo anakolanj kenja pou gyae kaa kyom, nawolo nyi ne yee nan denibalanj gbagba be bake see te bee wola balan nyi baa di ne doo.

<sup>23</sup> Balanj burum na gyuenj nyi mena aboo anakolanj kenja kesila yee nyansa nombia na, mona nyansa kamase be doo ne man ya. Balanj banj bee sila mena aboo anakolanj kenja ne, ne naa na sia naase ba wose diyem yee aboo naale na kawola nyi bee som Wurubuare nideli. Bee beo yokose ba wose te bee naase ba wose diyem, mona mena aboo anakolanj kenja doo kedi ne, bee yeli baa tale di ba wose doo nyi boo yee dukum bela ya.

### 3

*E kyaa fa Wurubuare*

<sup>1</sup> Wurubuare ke gyuuusu Kristo lee yen man ne, yee yaa ngba emee na e yaa o gyuuuswo lee yen man ne, nawolo nyi emee na Kristo te yee dokolon. Mena doo deban kamase na e mo e loo gyakaa aboo njan kyaa adido ne doo.

Wurubuare te gyina Kristo adido te o moo e ka see non Wurubuare dunolon doo adido botoo nyi waa di gyoori kpu na e.

<sup>2</sup> Mena doo e mo ya agyuen pou gyakaa aboo njan kyaa adido ne doo. E na mo ya agyuen gyakaa teele kei doo aboo doo ya.

<sup>3</sup> Nawolo nyi yee yaa ngba e ta yem te e nyeedon weese Kristo man Wurubuare gyan ne.

<sup>4</sup> Akpaa Kristo non o yee e nyeedon gbagba e ne de bee lee adido kon na, emee mo e ke kpu na e o gyoorobiiri dinaa ken man.

<sup>5</sup> Mena doo e won e wose lee teele kei doo nombiakumee pou keyee man. E tina nombiakumee ngba kafon na ayimee ka mo wuu wose na lookum na agyuen kum yela. E na yee kedikum ya nawolo nyi walan non o ne yee kedikum na, non na bane somra yee kyekyee.

<sup>6</sup> E tina nombiakumee kenja pou keyee yela, nawolo nyi Wurubuare waa won balan ban pou bee yee mena nombiakumee nenan ne denele.

<sup>7</sup> E toose nyi gyangba e kekyaabii man pete e be kaa lee Kristo di na, emee mo yee nombiakumee kenja pou.

<sup>8</sup> Mona nenee doo kaboena nyi yaa won e wose lee mena nombiakumee kenja pou man. E tina ban kagyen, na ban kum na balan katee na balan yela kewolee na nombia nkarankaran

kekolosi yela.

<sup>9</sup> Ε na dii akereε fa dɔŋa ya, nawolo nyi ε te tina ε dinɔɔ bene na ka abɔɔ kumεε ŋan pou yela.

<sup>10</sup> Nενεε ken ε be lεε Kristo di nε, te yεε ηgba ε ta bese balan wɔlεε nε. Wurubuare yele la te ε nyiŋa dinɔɔ wɔlεε kei, na ε ke nyiŋ kyεεkeε yεε nombia kpaakpaa ηgba ŋon nε. ɔ na wola ŋon nyi ya agyuen na ya abɔɔ ayεεsa pou dεε yεε ηgba ŋon nε, na ε ke nyiŋ gyen e nideli.

<sup>11</sup> Nενεε Wurubuare te yεε ŋon balan wɔlεε Kristo man. Mena dɔɔ be famenε nyi ηolo yεε Giriki baale e yaa Gyuda baale e ya. Be famenε nyi ηolo kara ɔ baala wose yaa ɔ te kare ya. Be famenε nyi ηolo yεε siakaralate e yaa ɔ yεε diyinje e ya. Be famenε nyi ηolo yεε donɔɔte bu e yaa ɔ yεε ηɔɔle e ya. Be famenε nyi ηolo yεε gbenji e yaa ɔ yεε gyoorobu e ya. Mɔna kpene ken ne hia yena nyi Kristo yena de popou nyee, te ŋon doo la balan ban pou bεε lεε e di nε konɔɔse man.

<sup>12</sup> Wurubuare ne gyae ŋon nideli mena dɔɔ te ɔ lese ŋon nyi yaa yεε ɔ balan ban nombiikum kamase be doo be man ya. Mena dɔɔ ε yela ε nombia ayεεsa pou ke kaboena ŋon Wurubuare kegyaebii. Ε wii dɔŋa waraŋase, na ε ke yεε deeli na ε ke yɔkɔse ε wose, na ε ke nyiŋ konɔɔ fa dɔŋa, na ε ke yela ε sia kedoo tεεle man.

<sup>13</sup> Ε na mo dɔŋa nombia do ε tɔɔse man ya. Akpaa ηolo de yεε ɔ dɔɔ nombiikum na, waa mo kyεε e. Kaboena nyi yaa mo nombiakumεε kyεε dɔŋa, ηgba mena ken de Gbenjyoo Kristo mɔ ba mo ε nombiakumεε kyεε ŋon nε.

14 Nombia keŋa pou wɔle na, ε mo balan kegyae tɔ nɔɔ. Nawolo nyi balan kegyae ne ye le la te balan ne tale yilaa kyaa debodokolon te bεε yεε nɔɔdokolon.

15 Kristo baake non bo nyi yaa kyaa wosefεeren man na dɔna, mena dɔɔ ε yεε kpene kamase keŋ ε ke tale ne, na ε ke kyaa na dɔna wosefεeren man. Nawolo nyi ε popou yεε walaŋ dokolon. Wurubuare lese na non nyi yaa yεε ɔ balan, mena dɔɔ te ɔ ne gyae nyi εmεε na ε tebia pou yaa kyaa na dɔna, na deban kamase na ε ne fane fa non Wurubuare karan.

16 Ε yela Kristo nombia non ke doo ε man nideli. Ε mo nyansa wola dɔna nombia nenan na ε ke faree wɔ nyi be na yεε nombiakumεε ya. Ε kpee Wurubuare ɔsom nɔɔnen kpookpoo do Wurubuare nɔɔ gyon man lee ε konɔɔse man.

17 Te kpene kamase keŋ ε ne yεε yaa keŋ ε keyako na, ε yεε ne popou lee de Gbenɔyoo Yesu ye le man. Na ε ke ta ɔ dɔɔ do de kya Wurubuare nɔɔ.

### *Kristotena dekpɔnalan man kekyaabii*

18 Εmεε ala yalala, ε yɔkɔse ε wose fa ε baala nɔɔba mena keŋ kaboena nyi Kristo walaŋ waa yεε ne.

19 Εmεε baala yalala mɔ, ε gyae ε wεεla nombia. Ε na nmanyan wɔ ya.

20 Εmεε bia mɔ, ε nyii ε lolala dei kpene kamase man. Nawolo nyi mena te de Gbenɔyoo Yesu ne gyae nyi yaa yεε.

21 Εmεε lolala, ε na yεε ε bia akpanyanɔnɔn ya. Ε yεε mena na, ba wose gyae ke yɔkɔse wɔ.

<sup>22</sup> Ɛmεε ban ε yεε gbenawo ne, ε mo obuο fa ε gbengyoona tεele kei doo gbεε kamase man. Ɛ na bu wo be siaman kaagen ken ε ne gyae nyi baa kelee non doo ya, mona ε bu wo lee ε konoo man nawolo nyi ε ne yee Wurubuaε doo.

<sup>23</sup> Kpene kamase ken ε ne yεε na, ε yεε ke lee ε konoo man ηgba ε ne yεε ke fa de Gbengyoo Wurubuaε ne. Ɛ na keε nyi deniwalan te ε ne yεε ε ke fa ya.

<sup>24</sup> Ɛ yεε ε tom nideli nawolo nyi ε gyen nyi de Gbengyoo Yesu Kristo waa to non kom nideli. Waa to non kom ken o be yako see nyi waa fa o balan ne. Ɛ toose nyi Kristo yena walan non ε ne yεε tom fa.

<sup>25</sup> Walan kamase non o yεε nombiikum na, Wurubuaε waa won otenate denele ηgba mena ken kaboena nombiikum ken o be yεε ne. Wurubuaε ne di o nombia na, o bee keε walan siaman ya.

## 4

<sup>1</sup> Ɛmεε ban ε dana gbenja ne, ε tela wo nideli na ε ke fa wo kpene kamase ken kaboena nyi yaa fa wo ne. Ɛ toose nyi εmεε mo dana gbengyoo ηolo non o kyaa adido, te o ne naa kpene kamase ken ε ne yεε ne.

<sup>2</sup> Ɛ yase ε sia fane deban kamase. Akpaa ε ne fane na, ε mo ya agyuen pou gyakaa Wurubuaε doo na ε ke fa e karan.

<sup>3</sup> Ɛ fane fa daa mo nyi Wurubuaε waa toro gbεε fa daa, na dee nyin kolosi o nombia nan nafa ηa weeseε ne fa balan. Wurubuaε nombia kenja keyako doo te be kyanja man to deni ne.

4 Ɛ fane nyi maa tale lese nombia ɲan man wola balan nideli ɲgba mena keɲ kaboena nyi maa yɛɛ nɛ.

5 Akpaa ɛmɛɛ na balan ban ba te yɛɛ Kristotenawɔ ya nɛ kyaa na, ɛ kyaa na wɔ nyansa man. Ɛ kɛɛ nideli nyi akpaa ɛ nyin gbɛɛ kyomii keɲ ɛ ka mo kolosi Wurubuare nombia fa wɔ na, ɛ na yeli ka ke lan ɲon ya.

6 Ɛ ne kolosi fa wɔ na, ɛ yela ɛ nɔɔwoya keyɛɛ gyon na ka do wɔ kakyen na baa nyin tei ɲon. Akpaa ɛ yɛɛ mena te ɲolo de bɔɔse ɲon kolo lee ɛ Kristo keɛɛdi keɲ man na, ɛ ka gyen mena keɲ ɛ ke tiranɔɔ fa e.

7 De dɔɔ gyaagyi Tikikuse ɲon ɔ ne yɛɛ ɔ tom anokoare man te ɔ kpue na man te dɛɛ yɛɛ Kristo tom kei nɛ de kɔɲ na, waa kaa yako ɲon ma kekyaabii man nombia pou.

8 Mena dɔɔ te mee kpila e ɛ gyan na ɔ kaa yako ɲon da kekyaabii man nombia na waa do ɲon kakyen.

9 Ʋon na de dɔɔ Onesimuse ɲon dɛɛ gyae ɔ nombia nideli, te ɔ ne di anokoare fa Kristo te ɔ yɛɛ ɛ man ɲolo e nɛ ne kɔɲala. Ban ne gyae la be kaa yako ɲon de kebo nombia na da kekyaabii man pou.

10 Arisitakuse ɲon bɔɔ kyan daa na e tɔ deni nɛ na do ɲon nɔɔ. Mena mɔ te Banabase ɔ naabu Maake mɔ na do ɲon nɔɔ. Me tan wulaa yako ɲon Maake kei wose man nombia, mena dɔɔ akpaa ɔ kɔɲ ɛ gyan botɔɔ na ɛ lɛɛ e nideli.

11 Gyosua ɲon bɛɛ bese baake e Gyustuse nɛ mɔ na do ɲon nɔɔ. Mena balan batooro kewo baagen yɛna Gyudatena ban be kpue na man te

dee kolosi Wurubuare gyoorobiiri kenj nombia. Ba te yeli me wœe te fœe manj nideli.

<sup>12</sup> E dœe baale Epafirase òn ò na som Yesu Kristo nideli nœ na do òn nœ. Debanj kamase na ò ne yase ò sia fane fa Wurubuare nyi waa yela e ka senj kenkenj e kelœedi man, na e ka bee nideli Wurubuare nombia òn kagyenj man na e ke yœe Wurubuare kegyaebii.

<sup>13</sup> Maa tale gyo me konœo yako nyi ò na yenj e yenj. Mena ke te ò na yenj Kristotena banj be kyaa Laodisia na Hirapolise donœose man mœ nœ yenj.

<sup>14</sup> De doo gyaagyi Luka òn ò yœe dœketa e nœ, na Demase mœ na do òn nœ.

<sup>15</sup> E do de tebia Kristotena banj be kyaa Laodisia donœo man nœ, na de deesi Nimfa na banj bœe gyanœe ò dekpanalanj man nœ nœ fa manj.

<sup>16</sup> Akpaa be kala tœne kei fa òn na, e mo ke yelee Kristotena banj be kyaa Laodisia donœo man nœ, na banj mœ ke kala ke, na emœe mœ ke lœe kenj mœo òmarase yelee wœ nœ kala.

<sup>17</sup> E yako Akipuse nyi waa yœe kakyenj na waa kœe nyi ò te tœle tom kenj de Gbengyoo Yesu Kristo ba mo do ò nyinmaa man nœ pou.

<sup>18</sup> Manj Pœol gbagba moona me nyinmaa òmarase nœkado œtomante kei nœ. E tœose nyi me doo deni man, na e ke fane fa manj. Wurubuare waa mo ò bœœe boele e pou.

**WURUBURE NOMBIA KPAAKPAA  
NŌŌKEBAKESEE WŌLE**  
**The New Testament in the Delo language of Ghana:**  
**WURUBURE NOMBIA KPAAKPAA NŌŌKEBAKESEE  
WŌLE**

copyright © 2006 Wycliffe Bible Translators, Inc.

Language: Delo

Contributor: Wycliffe Bible Translators, Inc.

All rights reserved.

2025-05-17

---

PDF generated using Haiola and XeLaTeX on 22 May 2026 from source  
files dated 17 May 2025  
80e9f745-c10c-5e3f-94bb-9d65aa1a1b11